

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ
ДАВЛАТ ТЕСТ МАРКАЗИ

ПРЕСС-РЕЛИЗ

ЖАМОАТЧИЛИК, ЖУМЛАДАН, АБИТУРИЕНТЛАР ВА
УЛАРНИНГ ОТА-ОНАЛАРИ УЧУН ТЕСТ ТОПШИРИҚЛАРИ
(САВОЛЛАР)НИНГ ОЧИҚЛИГИНИ ТАЪМИНЛАШ

ТОШКЕНТ-2019

Давлат бошқарув органи: Давлат тест маркази
Манзили: Тошкент шаҳар, Боғишамол кўчаси, 12-уй
Телефон: (71) 235 19 14, (71) 234 64 21
Факс: (71) 234 71 84
эл. почта: info@dtm.uz
веб-сайт: www.dtm.uz

2019 йил 15 ноябрь куни соат 11.00 да Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида “Жамоатчилик, жумладан, абитуриентлар ва уларнинг ота-оналари учун тест топшириқлари (саволлар)нинг очиқлигини таъминлаш” мавзуда брифинг ўтказилди. Брифингда иштирок этган оммавий ахборот воситалари вакилларига Давлат тест маркази мутахассислари томонидан мазкур долзарб мавзуга доир янги маълумотлар тақдим этилди.

Тест синовларига тайёргарлик кўраётган абитуриентлар, шунингдек, уларнинг ота-оналари, репетиторлар, умуман, кенг жамоатчилик учун тест топшириқларининг очиқлигини таъминлаш мақсадида Давлат тест маркази томонидан кенг қамровли ишлар олиб борилмоқда. Бугунги кунга қадар қуйидаги ишлар амалга оширилди:

БИРИНЧИДАН. Кейинги ўқув йилида фанлар мажмуининг 1-бўлимида ишлатилиши кутилаётган тест топшириқлари 1-босқич онлайн апробациядан ўтказилди.

Ушбу доирада хоҳлаганларга Давлат тест марказининг расмий веб-сайти орқали мажбурий фанлар бўйича тест топшириқлари намуналарини олиш ва апробацияда иштирок этиш, бу орқали ўз билимларини синаб кўриш имконияти яратилди. Мазкур хизмат Давлат тест марказининг расмий веб-сайтида, <http://aprobatsiya.dtm.uz> манзилида ишга туширилди.

Талабгорларга она тили (ўзбек, рус ёки қорақалпоқ тили), математика ва Ўзбекистон тарихи фанларидан тест топшириқлари берилди. Сайтга ўзбек, рус ва қорақалпоқ тилларининг ҳар биридан 2 тадан вариант жойлаштирилди.

Онлайн апробация 10 кун давом этди. Бу муддатда талабгорлар интернет орқали исталган жойдан мазкур сайтга кирган ҳолда, тест саволлари билан танишдилар ва ўз билимларини синаб кўрдилар.

Шунингдек, Қорақалпоғистон Республикаси, вилоятлар ва Тошкент шаҳридаги **59** та мактаб ва академик лицейларда мажбурий фанлар бўйича ўзбек, рус, қорақалпоқ тилларида тузилган янги тест топшириқларининг апробацияси ўтказилди. Жумладан,

- **Қорақалпоғистон Республикасида** - 12 та;
- **Самарқанд** вилоятида - 8 та;
- **Бухоро** вилоятида - 8 та;
- **Жиззах** вилоятида - 8 та;
- **Наманган** вилоятида - 8 та.
- **Тошкент** вилоятида - 5 та;
- **Тошкент** шаҳрида - 10 та;

ИККИНЧИДАН. Давлат тест маркази ҳамда “Давр пресс” нашриёт-матбаа уйи қўшма лойиҳаси асосида тест топшириқлари тўпламларини нашр этиш ишлари йўлга қўйилди.



Тўпламлар 2019/2020 ўқув йилида тест синовларида фойдаланилган тест топшириқлари асосида барча умумтаълим фанларидан тайёрланди. Айти пайтда Математика, Она тили ва адабиёт, Физика, Инглиз тили фанларидан тўпламлар нашрдан

чикди ва республиканинг барча ҳудудларига тарқатилди. Қолган фанлар бўйича тест топшириқлари тўпламлари ҳам шу ойнинг охирига қадар тарқатилиши кўзда тутилган.

Қайд этиш лозимки, абитуриентларнинг тайёргарлик босқичида қўшимча имкониятлар яратиш мақсадида мазкур тўпламларда жавоблар варақалари ҳам жойлаштирилди. Ушбу жавоблар варақалари яратилаётган имкониятнинг иккинчи босқичи бўлиб, иккинчи босқич бўйича тизимли ишлар якунлангач, қўшимча маълумотлар берилади. Лекин ҳозирдан айтиш мумкинки, бунда абитуриент ўз билимини синаб бориши, жавоблар варақаларини расмийлаштириши, уни расмга олиб, Давлат тест марказига юбориши ва тайёргарлик доирасида тўплаган натижалари билан танишиб бориш мумкин. Шулар билан бирга, саволлар бўйича ўз фикр-мулоҳазаларини ҳам билдириш имкониятига эгалар.

УЧИНЧИДАН. Абитуриентлар эътиборига тавсия этилган дарсликлар рўйхати тақдим этилди.

2019-2020 ўқув йилида умумтаълим мактаблари, академик лицей ва касб-ҳунар коллежларида қўлланилаётган дарслик ва ўқув-методик қўлланмалар рўйхати Давлат тест марказининг расмий веб-сайтида эълон қилинди.

Ўзбекистон Республикаси умумий ўрта ва ўрта махсус касб-ҳунар таълими муассасалари ҳамда академик лицейларда ўқитилаётган умумтаълим фанлари бўйича сайтда келтирилган адабиётлар рўйхати Давлат тест марказининг Халқ таълими ҳамда Олий ва ўрта махсус таълим вазирликларига қилган мурожаатига жавобан мазкур вазирликлардан келган хатлар асосида шакллантирилган.

Дарсликлар рўйхати билан <http://dtm.uz/info/textbooks> манзили орқали тегишли фан ва тилни танлаган ҳолда танишиш мумкин.

Давлат тест маркази матбуот хизмати